

SA's Leading Past Year

Exam Paper Portal



You have Downloaded, yet Another Great  
Resource to assist you with your Studies 😊

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexampapers.co.za](http://www.saexampapers.co.za)



**SA EXAM  
PAPERS**

# **VOORBEREIDENDE EKSAMEN**

## **2022**

**10792**

**GESKIEDENIS**

**VRAESTEL 2**

**TYD: 3 uur**

**PUNTE: 150**

**9 bladsye + 'n addendum van 14 bladsye**

**GESKIEDENIS V2**



**10792A**

**X05**



**Hierdie vraestel bestaan uit 9 bladsye.  
'n Addendum van 14 bladsye is binne die vraestel ingesluit.**

**INSTRUKSIES EN INLIGTING**

1. Die vraestel bestaan uit AFDELING A en AFDELING B, gebaseer op die voorgeskrewe inhoudsraamwerk volgens die KABV-dokument.

**AFDELING A: BRONGEBASEERDE VRAE**

VRAAG 1: BURGERLIKE VERSET, 1970's TOT 1980's: SUID-AFRIKA – DIE KRISIS VAN APARTHEID IN DIE 1980's

VRAAG 2: DIE KOMS VAN DEMOKRASIE NA SUID-AFRIKA EN DIE AANVAARDING VAN DIE VERLEDE

VRAAG 3: DIE EINDE VAN DIE KOUE OORLOG EN 'N NUWE WÊRELDORDE, 1989 TOT DIE HEDE

**AFDELING B: OPSTELVRAE**

VRAAG 4: BURGERLIKE VERSET, 1970's TOT 1980's: SUID-AFRIKA – DIE KRISIS VAN APARTHEID IN DIE 1980's

VRAAG 5: DIE KOMS VAN DEMOKRASIE NA SUID-AFRIKA EN DIE AANVAARDING VAN DIE VERLEDE

VRAAG 6: DIE EINDE VAN DIE KOUE OORLOG EN 'N NUWE WÊRELDORDE: DIE GEBEURE VAN 1989

2. AFDELING A bestaan uit DRIE brongebaseerde vrae. Bronmateriaal wat nodig word om hierdie vrae te beantwoord, sal in die ADDENDUM gevind word.
3. AFDELING B bestaan uit DRIE opstelvrae.
4. Beantwoord DRIE vrae soos volg:
  - 4.1 Ten minste EEN moet 'n brongebaseerde vraag wees en die ten minste EEN moet 'n opstelvraag wees.
  - 4.2 Die DERDE vraag kan óf 'n brongebaseerde vraag of 'n opstelvraag wees.
5. Jy word aangeraai om ten minste een uur per vraag te spandeer.
6. In die beantwoording van die vrae moet die kandidate hul kennis, vaardighede en insig toepas.
7. Jy sal benadeel word deur bloot die bronne as antwoorde te herskryf.
8. Nommer die antwoorde korrek volgens die nommeringstelsel wat in hierdie vraestel gebruik word.
9. Skryf duidelik en leesbaar.

**AFDELING A: BRONGEBASEERDE VRAE**

Beantwoord ten minste EEN vraag, maar nie meer as TWEE vrae nie, uit hierdie afdeling. Die bronmateriaal wat nodig is om hierdie vrae te beantwoord, kan in die ADDENDUM gevind word.

**VRAAG 1: WAT WAS DIE ROL VAN DIE SUID-AFRIKAANSE RAAD VAN KERKE (SARK) EN LEIERS SOOS DESMOND TUTU IN DIE STRYD TEEN APARTHEID IN DIE 1980's?**

Bestudeer Bronne 1A, 1B, 1C en 1D en beantwoord die vrae wat volg.

**1.1 Verwys na Bron 1A.**

- 1.1.1 Definieer die konsep *Driekamerparlement* in jou eie woorde. (1 x 2) (2)
- 1.1.2 Noem TWEE kwessies, volgens die bron, wat veroorsaak het dat die kerk sy stempel in die stryd teen apartheid afgedruk het. (2 x 1) (2)
- 1.1.3 Wat, volgens die bron, was die houding van die kerk tydens apartheid in die:
- (a) 1970's? (1 x 1) (1)
- (b) 1980's? (1 x 1) (1)
- 1.1.4 Wat het Beyers Naudé bedoel met die stelling, “tensy nuwe faktore 'n rol gaan speel of onvoorsiene verwickelinge in die nabye toekoms plaasvind, sal ons onself moet voorberei vir 'n lang, uitgerekte guerrilla-stryd”? (1 x 2) (2)
- 1.1.5 Haal TWEE bewyse aan wat deur Desmond Tutu, genoem is, wat daarop dui dat swart mense nie meer vreedsaam kon betoog nie. (2 x 1) (2)

**1.2 Bestudeer Bron1B.**

- 1.2.1 Lewer kommentaar oor die rede dat Desmond Tutu gesê het dat hy kon 'verstaan hoekom swart Afrikane onder verdrukking hulle tot geweld sou wend in die stryd om vryheid'. (1 x 2) (2)
- 1.2.2 Waarom, volgens die bron, is Desmond Tutu se nie-gewelddadige preke gekritiseer? (1 x 2) (2)
- 1.2.3 Gebruik die inligting in die bron en jou eie kennis en verduidelik hoe Desmond Tutu die wit regering probeer dwing het om apartheid te beëindig deur kommunikasie met die buitewêreld. (1 x 2) (2)

- 1.2.4 Verduidelik hoekom jy dink Aartsbiskop Desmond Tutu spanning in Alexandra, by Ashley Kriel se begrafnis ontloot het en konflik tussen polisie en betogers bemiddel het. (1 x 2) (2)
- 1.2.5 Verduidelik die begrip *verset* binne die konteks van weerstand teen apartheid in die 1980's (1 x 2) (2)
- 1.2.6 Identifiseer enige TWEE aksies wat deur die regering geneem is om Tutu vir sy uittarting van die regering te straf. (2 x 1) (2)
- 1.3 Raadpleeg Bron 1C.
- 1.3.1 Verduidelik die boodskap wat deur die foto oorgedra word. (1 x 2) (2)
- 1.3.2 Hoekom dink jy is die foto geneem? (1 x 2) (2)
- 1.3.3 Lewer kommentaar op die betroubaarheid van hierdie bron rakende die betrokkenheid van die Suid-Afrikaanse Raad van Kerke by die verset teen die apartheidsregering. (2 x 2) (4)
- 1.4 Verwys na Bronne 1B en 1C. Verduidelik hoe die bewyse in Bron 1C die inligting in Bron 1B oor die Suid-Afrikaanse Raad van Kerke se betrokkenheid by die weerstand teen apartheid ondersteun. (2 x 2) (4)
- 1.5 Gebruik Bron 1D.
- 1.5.1 Identifiseer uit die bron, TWEE dryfkragte tot die aktiwiteite van die SARK. (2 x 1) (2)
- 1.5.2 Gebruik die bron en jou eie kennis om te verduidelik hoe die SARK met die volgende gehelp het:
- (a) Vaardigheidsontwikkeling (1 x 2) (2)
- (b) Gemeenskapsprojekte (1 x 2) (2)
- 1.5.3 Hoe dink jy het die SARK die stigting van die WVK in post apartheid Suid-Afrika ondersteun? (1 x 2) (2)
- 1.6 Gebruik die inligting in die relevante bronne en jou eie kennis en skryf 'n paragraaf van ongeveer AGT reëls (ongeveer 80 woorde) waarin jy die rol van die Suid-Afrikaanse Raad van Kerke (SARK) en leiers soos Desmond Tutu in die stryd teen apartheid in die 1980's verduidelik. (8)

**[50]**

**VRAAG 2: HOE SUKSESVOL WAS DIE WAARHEIDS-EN-VERSOENINGSKOMMISSIE (WVK) OM NOKUTHULA SIMELANE SE FAMILIE BY TE STAAN OM GENESING TE VIND?**

Bestudeer Bronne 2A, 2B, 2C en 2D en beantwoord die vrae wat volg.

2.1 Lees Bron 2A.

- 2.1.1 Waarom, volgens die bron, is die WVK gestig? (1 x 1) (1)
- 2.1.2 Wat, volgens die bron, was die bedoeling van die Menseregteskendingskomitee? (1 x 1) (1)
- 2.1.3 Definieer die begrip *herstellende geregtigheid* in jou eie woorde. (1 x 2) (2)
- 2.1.4 Hoekom dink jy het die WVK meer gefokus op herstellende geregtigheid eerder as op vergeldende geregtigheid? (1 x 2) (2)
- 2.1.5 Haal bewyse uit die bron aan wat verduidelik waarom die grootste deel van diegene wat voor die WVK getuig het, vroue was. (1 x 2) (2)

2.2 Bestudeer Bron 2B.

- 2.2.1 Gee TWEE bewyse uit die bron wat daarop dui dat Nokuthula Simelane 'n slagoffer van apartheid was. (2 x 1) (2)
- 2.2.2 Hoekom dink jy is slegs vyf van die agt Soweto-takoperateurs deur die WVK amnestie toegestaan? (2 x 2) (4)
- 2.2.3 Identifiseer TWEE redes uit die bron waarom die Simelane-familie wou hê dat die mense wat vir Nokuthula se verdwyning verantwoordelik is, vervolg moet word. (1 x 2) (2)
- 2.2.4 Verduidelik hoekom dit belangrik was vir Nokuthula Simelane se familie om haar oorskot te vind. (1 x 2) (2)
- 2.2.5 Verduidelik die bruikbaarheid van hierdie bron vir 'n historikus wat die verdwyning van Nokuthula Simelane navors. (2 x 2) (4)

**2.3 Raadpleeg Bron 2C.**

- 2.3.1 Identifiseer DRIE mans in die bron wat voor die WVK verskyn het om aansoek te doen vir amnestie in die Nokuthula Simelane-saak. (3 x 1) (3)
- 2.3.2 Verduidelik die begrip *amnestie* in die konteks van die WVK. (1 x 2) (2)
- 2.3.3 Wie, volgens die bron, was verantwoordelik vir Nokuthula se verdwyning? (1 x 1) (1)
- 2.3.4 Lewer kommentaar op die verskillende stellings wat deur die volgende mense gemaak is oor Nokuthula se verdwyning:
- (a) Wellem Coetzee
- (b) Veyi (2 x 2) (4)

- 2.4 Vergelyk Bronne 2B en 2C. Verduidelik hoe die inligting in Bron 2B die getuienis in Bron 2C ondersteun aangaande die oortreders wat aansoek gedoen het vir amnestie vir Nokuthula se verdwyning. (2 x 2) (4)

**2.5 Gebruik Bron 2D.**

- 2.5.1 Verduidelik die boodskappe wat in die foto oorgedra word. (2 x 2) (4)
- 2.5.2 Verduidelik wat geïmpliseer word deur die stelling “KHULUMANI SAL NOOIT OPGEE NIE!”. (1 x 2) (2)

- 2.6 Gebruik die inligting in die relevante bronne en jou eie kennis en skryf ’n paragraaf van ongeveer AGT reëls (ongeveer 80 woorde) waarin jy verduidelik hoe suksesvol die Waarheids- en Versoeningskommissie (WVK) was om vir Nokuthula Simelane se familie by te staan om genesing te vind. (8)

**[50]**

MAAK ASSEBLIEF HIERDIE ADDENDUM VAN 14 BLADSYE LOS.



# **VOORBEREIDENDE EKSAMEN**

## **2022**

**10792**

**GESKIEDENIS**

**VRAESTEL 2**

**ADDENDUM**

**14 bladsye**

**VRAAG 1: WAT WAS DIE ROL VAN DIE SUID-AFRIKAANSE RAAD VAN KERKE (SARK) EN LEIERS SOOS DESMOND TUTU IN DIE STRYD TEEN APARTHEID IN DIE 1980's?****BRON 1A**

Die bron hieronder verduidelik waarom die Suid-Afrikaanse Raad van Kerke (SARK) die apartheidsregime in 1983 teëgestaan het.

Die Driekamerparlement wat in 1983 gestig is, was nog 'n grondwetlike instrument om die Kleurling en Asiatiese mense te koöpteer (in te sluit) in die grootse ontwerp van die regime. Dit het gelei tot die stigting van die Verenigde Demokratiese Front, wat gedurende hierdie tydperk na vore getree het as die vernaamste uitdrukking van weerstand teen apartheid. Dit was te midde van hierdie enorme onstabiliteit en onderdrukking dat die kerk sy stempel afgedruk het. Pastore is opgeroep om mense en gesinne te bedien wat deur slagtings gewond is en deur die militêre besetting ontstig (ontstel) is, wat 'n konstante irritasie (ergernis) in swart gemeenskappe was. Hulle het die behoefte gevoel om die middele om apartheid tot 'n einde te bring op te skerp en te fokus. Terwyl die kerke in die vroeë 1970's 'n mate van simpatie met die staat gehad het, was daar teen die 1980's 'n dieper begrip van die bevrydingsbewegings. Beyers Naudé, wat hoofsekretaris van die SARK geword het, kon in 1983 met selfvertroue waarsku dat "tensy nuwe faktore 'n rol gaan speel of onvoorsiene ontwikkelings in die nabye toekoms plaasvind, sal ons moet voorberei vir 'n lang, uitgerekte (langdurige) guerrilla-stryd; 'n oorlog wat toenemend geveg sal word met dae van sabotasie en stedelike terrorisme."

Die SARK het in die tyd van die hoofsekretarisskappe van Desmond Tutu en Beyers Naudé gesien hoe die kerke in hewige (aggressiewe) weerstand teen die staat betrokke was. Dit was weerstand wat deur die Eloff-kommissie ontketen (begin) is, wat probeer het om die buitelandse befondsing van SARK-programme te beheer. Teen die 1980's was die kerke deel van die weerstandsbeweging. Tutu het tydens 'n diens in die St George's Anglikaanse katedraal in Kaapstad in protes teen aanhoudings, die tema van Christelike weerstand teen onregverdige heerskappy beklemtoon: "As ons nie meer vreedsaam kan veg vir 'n verandering in 'n bose en onregverdige stelsel nie, sê die regering dan dat die enigste alternatief geweld is - wat anders sal vir mense oorbly om te doen?"

[Aangepas uit [http://psimg.jstor.org/fsi/img/pdf/t0/10.5555/al.sff.document.ufbmq1001\\_final.pdf](http://psimg.jstor.org/fsi/img/pdf/t0/10.5555/al.sff.document.ufbmq1001_final.pdf).

Toegang op 09 Januarie 2022 verkry.]

**BRON 1B**

Die uittreksel hieronder handel oor die reaksie van die destydse sekretaris van die Suid-Afrikaanse Raad van Kerke (SARK), Desmond Tutu, op die staat se onderdrukking in die 1980's.

Tutu het in 1984 namens 'n gearresteerde sel (eenheid) van die gewapende anti-apartheidsgroep, uMkhonto we Sizwe, getuig. Hy het volgehou dat hy tot geweldloosheid toegewyd was, maar kon verstaan hoekom swart Afrikane onder verdrukking hulle tot die gebruik van geweld sou wend in hul stryd om vryheid. Hy het die wit regering se skynheiligheid uitgewys omdat hulle gewapende bevrydingsgroepe in Europa prys terwyl hulle dieselfde soort groepe in Suid-Afrika veroordeel.

Geweld in die land het aanhou eskaleer en Tutu is gevra om by baie begrafnisse te praat. Tydens sy preke het hy voortgegaan om 'n boodskap van geweldloosheid te verkondig en hy is deur sommige daarvoor gekritiseer omdat hulle sy beskeidenheid (nederigheid) as 'n struikelblok in die vryheidstryd gesien het.

Hy het die Verenigde Nasies se Algemene Vergadering in New York toegesprek en met die Britse premier Margaret Thatcher vergader om verder te druk vir ekonomiese sanksies teen Suid-Afrika.

In 1986 het Tutu weer die Verenigde State besoek om op sanksies aan te dring. Hy het ook Japan, China en Jamaika om dieselfde rede besoek. Later daardie jaar is hy tot Aartsbiskop van Kaapstad verkies voordat hy die president van die All Africa Conference of Churches geword het.

Tutu, saam met ander kerkleiers, het 'n bemiddelaar van konflik tussen betogers en die polisie geword. Hulle het onder meer, spanning opgelos in Alexandra Township in 1986 en by die begrafnis van Ashley Kriel in 1987.

Toe die regering 17 organisasies in 1988 verbied het, het hulle 'n protesoptog gereël, wat ook verbied is. In reaksie hierop het hulle die Komitee vir die Verdediging van Demokrasie gevorm en toe hul saamtrekke verbied is, het hulle dit vervang met 'n diens by die St George's Katedraal.

Tutu het die saak van die Sharpeville Ses in 1988 opgeneem. Die groep is ter dood veroordeel en Tutu, wat die doodstraf teengestaan het, het druk op PW Botha uitgeoefen om hul lewens te spaar. Hy het self met Botha vergader en die twee het gebots voordat Tutu suksesvol was.


In reaksie op Tutu se verset, het die regering 'n veldtog teen hom georkestreer (beplan), anti-Tutu pamflette en plakkers is versprei, betogers is betaal en selfs sy vrou is geteister.

[Aangepas uit <https://southafrica.co.za/desmond-tutu-contribution-to-dismantling-apartheid.html>, Toegang op 10 Januarie 2022 verkry.]

**BRON 1C**

Die bron hieronder is 'n foto wat geneem is by die bekendstelling van die Komitee vir die Verdediging van Demokrasie op die 7de Maart 1988. Die Komitee vir die Verdediging van Demokrasie is gevorm omdat die regering bevrydingsorganisasies verbied het wat die apartheidsbeleid teengestaan het.

Van links na regs is die komiteelede – Frank van de Horst, Suid-Afrikaanse Raad vir Sport (SACOS), Allan Boesak, Desmond Tutu, Prof. Jakes Gerwel, Rektor Universiteit van die Weskaap (UWC).



[Uit <https://southafrica.co.za/desmond-tutu-contribution-to-dismantling-apartheid.html>.  
Toegang op 10 Januarie 2022 verkry.]

**BRON 1D**

Die volgende uittreksel gee 'n uiteensetting van die rol wat die Suid-Afrikaanse Raad van Kerke gespeel het in die herstel van menseregte en die bekamping van die ongeregtighede tydens en na apartheid.

Deur sy geskiedenis heen het die SARK drie hoofdryfkragte tot sy aktiwiteite gehad: geregtigheid, vaardigheidsontwikkeling asook gemeenskapsprojekte en teologiese besinning. Tydens die apartheidsregime het die SARK hom nie net sterk uitgespreek teen kwessies van onreg en die skending van menseregte nie, dit het ook praktiese hulp aan die onderdruktes verleen. Meer spesifiek, het die SARK:

- Nooddienste aan slagoffers van apartheidsbrutaliteite gebied
- Fondse ingesamel vir die wettige regsverteenvoordiging van slagoffers van die stelsel
- Families van dié in aanhouding, van politieke gevangenes en van dié met 'n doodsvonniss versorg
- Beurse aan duisende arm swart kinders gebied
- Gemeenskapsontwikkelingsprogramme en -projekte befonds
- Hom beywer vir omvattende internasionale sanksies teen apartheid
- Die stigting van ontwikkelingsinstellings soos die Kagiso Trust gefasiliteer
- Jeug- en vroueregte en ontwikkelingsprogramme ondersteun
- Ballinge ondersteun en hul terugkeer na Suid-Afrika na die ontbanning van die bevrydingsbewegings bewerkstelling, en vrylating van politieke gevangenes gefasiliteer
- Bystand verleen tydens in die oorgangsproses, van die onderhandelinge tot vredemaking te midde van intense geweld; deelgeneem aan die opstel van 'n nuwe grondwet vir die land; die stigting van die WVK ondersteun; en gepleit vir 'n regverdige sosiale en ekonomiese bestel.

Die rol van die SARK in die stryd om menseregte na Suid-Afrika te bring is 'n eerbare een wat altyd in Suid-Afrika se geskiedenis erkenning sal verkry.

[Uit <https://sacc.org.za/history>. Toegang op 09 Januarie 2022 verkry.]

**VRAAG 2: HOE SUKSESVOL WAS DIE WAARHEIDS-EN-VERSOENINGS-KOMMISSIE (WVK) OM NOKUTHULA SIMELANE SE FAMILIE BY TE STAAN OM GENESING TE VIND?**

**BRON 2A**

Die uittreksel hieronder verduidelik die doelstellings van die Waarheids- en Versoeningskommissie (WVK), wat in 1995 gestig is.

Die Waarheids- en Versoeningskommissie (WVK) is gestig om onder meer die 'rehabilitasie en die herstel van die menslike en burgerlike waardigheid van slagoffers van menseregteskendings' te fasiliteer. Die Kommissie was van plan om hoofsaaklik deur middel van die openbare verhore wat deur die Menseregteskendingskomitee onderneem is, die stem en waardigheid van diegene wat voorheen gemarginaliseer (uitgeskuif) was te herstel en in die proses openbare erkenning te gee wat grootliks as 'n kernbydraer tot die genesingsproses beskou word.

Die WVK was destyds die eerste herstellende geregtigheidsproses van sy soort om openbare verhore te hou en ruimte te bied vir oorlewendes om hul stories in hul eie woorde te vertel. Hierdie verhore het 'n belangrike simboliese funksie verrig in 'n land waar die regeringstelsel op die ontkenning en stilswye van veral swart stemme, gegrond was.

... Die WVK het gepoog om die kwessie van gemarginaliseerde (uitgeskuifde) stemme in die breër raamwerk van slagoffers aan te spreek en was bewus van geslagsverdraaiings (vooroordele) in die prosesse en aanbieding van sy werk. Alhoewel die grootste deel van diegene wat voor die Kommissie getuig het, vroue was, het hul getuïenisse in die meeste gevalle gefokus op die ervarings van hul mans, seuns en vaders. Vroue as slagoffers het slegs 'n klein aantal van die sake verteenwoordig.

[Aangepas uit [www.wvl.wits.ac.za](http://www.wvl.wits.ac.za): **Traces of Truth – The South African TRC.**  
Toegang op 16 Januarie 2022 verkry.]

**BRON 2B**

Die volgende bron fokus op hoe die Simelane-gesin op hul dogter, Nokuthula, se verdwyning gereageer het.

Dit is al byna 30 jaar en Sizakele Simelane wag nog steeds op geregtigheid vir haar dogter, Nokuthula, wat vermoedelik dood is. Die 23-jarige uMkhonto we Sizwe-aktivis van Bethal is op 8 September 1983 deur die Soweto-Veiligheidstak uit Johannesburg se Carlton-sentrum ontvoer. Sy is na 'n plaas in Noordwes geneem, waar sy vir etlike weke gemartel is. ... Agt beamptes van die Soweto-Veiligheidstak het vir Nokuthula se aanhouding en marteling om amnestie aansoek gedoen. Slegs vyf was suksesvol.

Haar suster, Thembi Nkadimeng, het in Januarie 'n brief aan Silas Ramaite, die waarnemende nasionale direkteur van openbare vervolging, geskryf en hom meegedeel dat haar pa gesterf het sonder om te weet wat met sy dogter gebeur het. "Ongelukkig het ons volkome vertroue in die prioriteitsmisdaadlitigasie-eenheid (regsgeding) verloor om 'n suksesvolle vervolging uit te voer." Die eenheid het die taak om onder meer sake te ondersoek wat deur die Waarheids-en-Versoeningskommissie (WVK) verwys word. Nkadimeng het aan Ramaite gesê sy het die ondersoekbeampte in Januarie ontmoet. Hy het voorgestel dat dit deur 'n geregtelike doodsondersoek hanteer word. Sy het gesê sy het ook die taakspan vir vermiste persone genader, wat vir haar gesê het dat hulle nie haar suster se oorskot kon vind nie.

"Ek is aangesê om die verdagtes te nader en aan te bied om hulle nie te vervolg as hulle die ligging van Nokuthula se oorskot bekend maak nie. Ek het hierdie voorstel met my familie bespreek, en ons het besluit om nie met die verdagtes te onderhandel nie." Sy het gesê die verdagtes het "meer as genoeg tyd" gehad om na vore te kom en die ligging van die oorskot bekend te maak. "Hulle het verkies om eerder vir my en my gesin pyn en lyding te veroorsaak deur 'n muur van leuens en bedrog (oneerlikheid) te handhaaf." Ramaite het Nkadimeng in 'n brief gedateer 31 Januarie ingelig dat dit nie moontlik is om 'n geregtelike doodsondersoek te hou voor die afsluiting van die "uitstaande ondersoeke" nie.

... "Die Nasionale Vervolgingsgesag (NVG) sleep voete om vir my ma die enigste ding te gee wat sy kan hê, haar kind se oorskot." Haar ma, Sizakele, het gesê sy is kwaad en teleurgesteld ...

[Aangepas uit <https://www.timeslive.co.za/sunday-times/lifestyle/2013-03-17-grieving-mom-still-waits-for-answers-30-years-later/>. Toegang op 19 Januarie 2022 verkry.]

**BRON 2C**

Die bron hieronder is 'n weergawe van Nokuthula Simelane se ontvoerders se aansoek om amnestie by die WVK-verhore.

Ná die val van Apartheid is die Waarheids-en-Versoeningskommissie (WVK) ingestel as 'n manier om die kloof tussen die onderdrukkende Nasionale Party ras en die demokratiese Suid-Afrika te oorbrug. Die Simelane-familie het haar saak by die WVK aanhangig gemaak in die hoop om haar saak op te los. Vyf wit mans het aansoek gedoen om amnestie met betrekking tot Nokuthula se ontvoering, marteling en verdwyning, Wellem Hellem Johannes Coetzee, Anton Pretorius, Mong, Williams en Ross. By die WVK het 'n voormalige bevelvoerder van die Soweto Intelligensie Eenheid (SIU), Wellem 'Timol' Coetzee, die man verantwoordelik vir die verdwyning en dood van Nokuthula, verklaar dat Nokuthula gelewe het toe hy haar laas gesien het, die eenheid het haar in 'n spioen verander en terug na Swaziland herontploo.

Coetzee se argument is teengestaan deur sy kollega, Veyi, wat erken het dat sy gemartel en wreed vermoor is en in die Rustenburg-omgewing begrawe is. Die WVK het teen Coetzee se amnestie ten opsigte van marteling beslis, maar is amnestie vir Nokuthula se ontvoering toegestaan. Die WVK het verder amnestie aan die ander vier mans (Pretorius, Mong, Williams en Ross) vir haar marteling toegeken. Tot dusver het niemand na vore gekom en verantwoordelikheid vir haar verdwyning aanvaar nie, nóg die ANC nóg voormalige apartheidsveiligheidsmagte.

[Uit: <https://www.sahistory.org.za/people/nokuthula-orela-simelane>.  
Toegang op 18 Januarie 2022 verkry.]

**BRON 2D**

Die foto hieronder wys hoe die Khulumani-ondersteuningsgroep 'n hofsitting bywoon om te eis dat die vier apartheidsera-polisiemanne verantwoordelik vir Nokuthula se verdwyning vervolg word.



**KHULUMANI SAL  
NOOIT OPGEE NIE!**

**ONS EIS AFSLUITING VAN  
HIERDIE ONVOLTOOIDE  
WVK-SAAK WAT DIE  
VERDWYNDE BETREF**

**STOP DIE MARTELING VIR  
GESINNE WAT NIE WEET WAT  
MET HUL GELIEFDES GEBEUR  
HET NIE**

[Uit <https://www.news24.com/News24/four-former-apartheid-era-policemen-granted-bail-20160226>. Toegang verkry op 19 Januarie 2022.]

**VRAAG 3: HOE HET GLOBALISERING DIE KLEDING- EN  
TEKSTIELINDUSTRIE IN SUID-AFRIKA BEÏNVLOED?****BRON 3A**

Die bron hieronder fokus op die proses van globalisering in ontwikkelende lande.

Globalisering verwys na integrasie tussen mense, maatskappye en regerings. Die belangrikste is dat hierdie integrasie op 'n globale skaal plaasvind. Verder is dit die proses om die besigheid oor die hele wêreld uit te brei. In globalisering, brei baie besighede wêreldwyd uit en neem 'n internasionale beeld aan. Gevolglik is daar 'n vereiste vir groot investering (belegging) om internasionale maatskappye te ontwikkel.

Eerstens, het mense sedert die begin van beskawing goedere verhandel. In die 1ste eeu v.C. was daar die vervoer van goedere van China na Europa. Die goedere is met die Sy-Roete vervoer. Die Sy-Roete afstand was baie lank. Dit was 'n merkwaardige ontwikkeling in die geskiedenis van globalisering. Dit is omdat goedere vir die eerste keer ooit oor kontinente verkoop is.

Uiteindelik, in die 20ste en 21ste eeu, het globalisering uiteindelik vorm aangeneem. Bowenal het die ontwikkeling van tegnologie en die internet plaasgevind. Tegnologiese innovasie is nog 'n noemenswaardige bydrae van globalisering. Die belangrikste is dat daar 'n groot klem op tegnologiese ontwikkeling in globalisering is. Verder, lei globalisering tot tegnologie-oordrag. Globalisering dra by tot die verbeterde kwaliteit van produkte omdat vervaardigers probeer om produkte van hoë gehalte te maak. Dit is as gevolg van die druk van intense mededinging. As die produk minderwaardig is, kan mense maklik na 'n ander hoë-gehalte produk oorskakel.

[Aangepas uit: <https://www.toppr.com/guides/essays/globalization-essay/>  
Toegang op 12 Januarie 2022 verkry.]

**BRON 3B**

Die volgende bron fokus op die uitdagings wat in die Suid-Afrikaanse Klere- en Tekstielbedryf ervaar word.

Die Suid-Afrikaanse Klere- en tekstielbedryf lê binne die Klere-, Tekstiel-, Skoene- en Leersektor (KTSL). Hierdie nywerhede is in twee provinsies gekonsentreer: KwaZulu-Natal en die Wes-Kaap. Die klere- en tekstielbedryf is gesamentlik verantwoordelik vir die meerderheid van indiensneming (90%) en waardetoevoeging (80%) tot die KTSL-sektor. Die sektor het 95 000 werkers in diens en dra 8% by tot die vervaardigings-BBP (Bruto Binnelandse Produk) en 9% tot die land se algehele BBP. Die klere- en tekstielbedryf bly belangrik in terme van die impak daarvan op indiensneming.

Die uitdagings wat die bedryf in die gesig gestaar het sedert die opening van Suid-Afrika se ekonomie in 1990 is hoofsaaklik te wyte aan 'n invloed van goedkoper ingevoerde produkte. Suid-Afrika se invoer van klere, tekstiele en leergoedere het van net meer as R5 miljard in 2000 tot byna R60 miljard in 2019 toegeneem, en meer as 100 000 werksgeleenthede is tussen 2002 en 2013 verlore. Alhoewel die bedryf gestabiliseer het, en positiewe groeivoorspellings vir plaaslike vervaardigingsfirmas verwag word, is dit duidelik dat die bedryf verskeie potensiële bedreigings in die gesig staar. Dit sluit in: 'n gebrek aan toegang tot kritieke hulpbronne wat benodig word vir tekstielvervaardiging, veral water in die konteks van Suid-Afrika en risiko's wat verband hou met hul algehele voorsieningsketting, bv., toegang tot insette soos katoen wat hul eie watersekuriteitsrisiko's inhou.

Die bedryf ervaar tans 'n opkomende wêreldwye neiging bekend as 'vinnige mode' wat die spoed waarteen goedere na die mark gebring kan word begunstig (voordeel daaruit trek) en dit word verkies bo goedkoop goedere. Hierdie tendens tesame met die opkoms van die eties-gesinde verbruikers het nuwe geleenthede in die klere- en tekstielbedryf in Suid-Afrika geskep.

[Uit [https://www.investcapetown.com/wpcontent/uploads/2019/09/Textiles\\_GreenCape\\_Resilience-Report\\_Interactive\\_20190801.pdf](https://www.investcapetown.com/wpcontent/uploads/2019/09/Textiles_GreenCape_Resilience-Report_Interactive_20190801.pdf). Toegang op 12 Januarie 2022 verkry.]

BRON 3C

Die plakkaat hieronder beklemtoon hoe SACTWU (Suider-Afrikaanse Klere- en tekstielwerkersunie), 'n geaffilieerde van COSATU, werk om ordentlike werksgeleenthede in die Suid-Afrikaanse Tekstielbedryf te red en te vergroot.



RED

[Uit <https://www.industrialunion.org/a-turnaround-for-south-africas-textile-industry>. Toegang op 11 Januarie 2022 verkry.]

ONS KLEREFABRIEKE

**BRON 3D**

Die volgende bron fokus op die impak van die COVID-19-pandemie op die Suid-Afrikaanse Klere- en tekstielbedryf

Suid-Afrika se klerebedryf het nie die impak van die COVID-19-pandemie op swaar belaaide verbruikers vrygespring nie, met kleinhandelverkope in die SA Klere- en Tekstielbedryf wat in 2020 die ergste afname bereik het wat nog aangeteken is. Maar, sê plaaslike vervaardigers, hulle probeer alles in hul vermoë om weer markaandeel van invoer terug te kry terwyl hulle steeds onderbrekings ondervind in die voorsieningsketting wat die pandemie veroorsaak het. “Kleinhandelverkope in die SA Klere- en Tekstielbedryf het 6,9% in geheel gedaal gedurende 2020. Dit is die ergste daling wat nog ooit aangeteken is en die enigste jaar van inkrimping, behalwe 2009 toe verkope met 3,2% gedaal het tydens die hoogtepunt van die wêreldwye finansiële krisis, volgens Stats SA.”

Daar is lankal oproepe om klerevervaardiging in Suid-Afrika, wat sukkel om met China en ander goedkoop invoerders mee te ding, te laat herleef (versterk). Dit is waar die kleinhandel (Klere, Tekstiel, Skoene en Leer (KTSL)-meesterplan inkom. Die implementering daarvan het in 2020 afgeskop, en dit beoog om die proporsie plaaslik vervaardigde produkte wat in die winkels verkoop word, te verhoog van 44% (in 2018) tot 65% teen 2030. Die plan het ook ten doel om werk te skep.

Thandi Phele, waarnemende adjunk-direkteur-generaal van die Afdeling vir Nywerheidsmededinging en Groei van die Departement van Handel, Nywerheid en Mededinging (DTIC), sê “al was die bedryf onder druk, het klere-invoer ’n groter knou gekry as plaaslik vervaardigde klere, aangesien kleinhandelaars meer goedere plaaslik koop en plaaslike vervaardigers hierby baat. “Die regering het hom ook daartoe verbind om ’n bemagtigende omgewing vir belegging in die Suid-Afrikaanse Klere-, Tekstiel-, Skoeisel- en Leerbedryf te skep, deur strategiese tariefondersteuning, toepaslike vervaardigingsaansporings en die bekamping van onwettige invoere.”

[Uit <https://www.news24.com/fin24/companies/sas-clothing-industry-trying-to-stitch-itself-together-following-worst-decline-to-date-20210630>. Toegang op 6 Januarie 2022 verkry.]

**ERKENNINGS**

Visuele bronne en ander historiese bewyse is uit die volgende geneem:

<https://southafrica.co.za/desmond-tutu-contribution-to-dismantling-apartheid.html>.

[http://psimg.jstor.org/fsi/img/pdf/t0/10.5555/al.sff.document.ufbmp1001\\_final.pdf](http://psimg.jstor.org/fsi/img/pdf/t0/10.5555/al.sff.document.ufbmp1001_final.pdf)

<https://southafrica.co.za/desmond-tutu-contribution-to-dismantling-apartheid.html>

[www.wvl.wits.ac.za](http://www.wvl.wits.ac.za):

<https://southafrica.co.za/desmond-tutu-contribution-to-dismantling-apartheid.html>.

<https://www.timeslive.co.za/sunday-times/lifestyle/2013-03-17-grieving-mom-still-waits-for-answers-30-years-later/>

<https://www.sahistory.org.za/people/nokuthula-orela-simelane>

<https://www.news24.com/News24/four-former-apartheid-era-policemen-granted-bail-20160226>

<https://www.toppr.com/guides/essays/globalization-essay/>

[https://www.investcapetown.com/wpcontent/uploads/2019/09/Textiles\\_GreenCape\\_Resilience-Report\\_Interactive\\_20190801.pdf](https://www.investcapetown.com/wpcontent/uploads/2019/09/Textiles_GreenCape_Resilience-Report_Interactive_20190801.pdf)

<https://www.industrialunion.org/a-turnaround-for-south-africas-textile-industry>

<https://www.news24.com/fin24/companies/sas-clothing-industry-trying-to-stitch-itself-together-following-worst-decline-to-date-20210630>





**VRAAG 3: HOE HET GLOBALISERING DIE KLEDING- EN TEKSTIELINDUSTRIE IN SUID-AFRIKA BEÏNVLOED?**

Bestudeer Bronne 3A, 3B, 3C en 3D en beantwoord die vrae wat volg.

**3.1 Verwys na Bron 3A.**

- 3.1.1 Definieer die konsep *globalisering* in jou eie woorde. (1 x 2) (2)
- 3.1.2 Noem TWEE bestemmings, genoem in die bron, waar goedere in die 1<sup>ste</sup> eeu vervoer is. (2 x 1) (2)
- 3.1.3 Gebruik die inligting in die bron en jou eie kennis en verduidelik hoe globalisering voordelig was vir die vervaardigingsbedryf. (1 x 2) (2)
- 3.1.4 Noem DRIE merkwaardige ontwikkelings waartoe globalisering in die 20<sup>ste</sup> en 21<sup>ste</sup> eeue aanleiding gegee het. (3 x 1) (3)

**3.2 Bestudeer Bron 3B.**

- 3.2.1 Haal bewyse uit die bron aan wat daarop dui dat die Suid-Afrikaanse Klere- en Tekstielbedryf 'n groot aantal werkers in diens geneem het. (1 x 2) (2)
- 3.2.2 Identifiseer TWEE provinsies waar die Suid-Afrikaanse Klere- en Tekstielnywerhede geleë is. (1 x 2) (2)
- 3.2.3 Verduidelik hoe die Suid-Afrikaanse Klere- en Tekstielbedryf werkseleenthede in Suid-Afrika beïnvloed. (1 x 2) (2)
- 3.2.4 Lewer kommentaar oor die rede(s) dat die Suid-Afrikaanse Klere- en Tekstielbedryf uitdagings tussen die jare 2000 en 2013 beleef het. (2 x 2) (4)

## 3.3 Lees Bron 3C.

- 3.3.1 Verduidelik die boodskap wat in die spotprent oorgedra word oor die werkers in die Suid-Afrikaanse Klere- en Tekstielbedryf. (1 x 2) (2)
- 3.3.2 Lewer kommentaar oor wat die spotprenttekenaar bedoel het met die woorde “Gemaak in Suid-Afrika” met betrekking tot vervaardigde goedere in die klere- en tekstielsektor. (1 x 2) (2)
- 3.3.3 Verduidelik die beperkings van hierdie bron vir ’n historikus wat die uitdagings bestudeer wat die tekstielbedryf in Suid-Afrika in die gesig staar. (2 x 2) (4)

## 3.4 Raadpleeg Bron 3D.

- 3.4.1 Verduidelik hoe die COVID-19-pandemie die Suid-Afrikaanse Klere- en Tekstielbedryf beïnvloed het. (2 x 2) (4)
- 3.4.2 Definieer die konsep *pandemie* in die konteks van globalisering. (1 x 2) (2)
- 3.4.3 Gee TWEE redes wat in die bron genoem word waarom die Suid-Afrikaanse regering die klere- en tekstielbedryf wil laat herleef. (2 x 1) (2)
- 3.4.4 Wie, volgens die bron, is die waarnemende Adjunk-Direkteur-Generaal van die DTIC? (1 x 1) (1)
- 3.4.5 Lewer kommentaar op die inisiatief wat deur die Suid-Afrikaanse regering geneem is om werksgeleenthede in die klere- en tekstielbedryf te red. (1 x 2) (2)

- 3.5 Bestudeer Bronne 3C en 3D. Verduidelik hoe die inligting in Bron 3C die bewyse in Bron 3D met betrekking tot werkskepping in die klere- en tekstielbedryf ondersteun. (2 x 2) (4)

- 3.6 Gebruik die inligting in die relevante bronne en jou eie kennis en skryf ’n paragraaf van ongeveer AGT reëls (ongeveer 80 woorde) waarin jy verduidelik hoe globalisering die klere- en tekstielbedryf in Suid-Afrika beïnvloed het. (8)

**[50]**

**AFDELING B: OPSTELVRAE**

Beantwoord ten minste EEN vraag, maar nie meer as TWEE vrae in hierdie afdeling nie.

Jou opstel moet ongeveer DRIE bladsye lank wees.

**VRAAG 4: BURGERLIKE VERSET, 1970's TOT 1980's: SUID-AFRIKA –  
DIE KRISIS VAN APARTHEID IN DIE 1980's**

Steve Biko het die filosofie van Swartbewussyn gebruik om swart Suid-Afrikaners te bemagtig om die apartheidsregering in die 1960's en die 1970's uit te daag.

Stem jy saam?

Gebruik relevante bewyse om jou argument te ondersteun.

**[50]**

**VRAAG 5: DIE KOMS VAN DEMOKRASIE NA SUID-AFRIKA EN DIE AANVAARDING  
VAN DIE VERLEDE**

Dit was deur leierskap en kompromieë deur verskeie politieke organisasies dat demokrasie in 1994 in Suid-Afrika gebore is.

Bespreek hierdie stelling krities in die konteks van die proses van onderhandelinge wat in die tydperk 1990 – 1994 in Suid-Afrika plaasgevind het.

Ondersteun jou argument met relevante bewyse.

**[50]**

**VRAAG 6: DIE EINDE VAN DIE KOUE OORLOG EN 'N NUWE WÊRELDORDE:  
DIE GEBEURE VAN 1989**

Verduidelik tot watter mate die val van die Berlynse Muur in 1989 die weg gebaan het vir die Nasionale Party en die African National Congress om samesprekings te begin wat uiteindelik tot die einde van Apartheid gelei het.

Motiveer jou argument met relevante bewyse.

**[50]**

**TOTAAL: 150**





